

OMLADINSKA PRUGA



BROJ 11

Ne damo to zaboravu

ONDA KAD SMO PRVI PUT
UPIJALI DUGO TU SLIKU
NAŠE MLADOSTI.
ONDA KAD SMO DUGO
GLEDALI U SUNCE
KAD SMO DOBILI
PRVE ŽULJEVE NA
RUKAMA
KAD JE FIJUKNULA KROZ
VAZDUH
PRVA KRAMPA
POGURANA PRVA KOLICA,
ONDA KAD NAM SE SRCE
RASTEGLO
OD ZEMLJE DO NEBA.

SADA DOK SMO PRED
SVOJIM BARAKAMA
VESELI I S PJESMOM U
SRCIMA,
U MISLIMA, U POKRETIMA,
SADA DOK SE SA
ZVUČNIKA

ORI MUZIKA
DOK SMO SREĆNI
POVICI, POKOJA PSOVKA
ZADIMLJENE SOBE...
MI NISMO MOGLI BITI
SAMI,

SVI SMO MI JEDNO!
MI SMO JEDNA MLADOST,
JEDNA GENERACIJA
MI SMO JEDNA RUŽA,
JEDAN KAMEN, TVOJ
KOZARO!

MI SMO JEDNA
GENERACIJA KOZARO,
KOJA TE VOLI
MI SMO JEDNO

POKOLJENJE
KOJE ZA TEBE ŽIVI,
KOJE TE GRADI
KOJE TI HRANIS.

JEDNA GENERACIJA
MLADOSTI,
BRATSTVA I JEDINSTVA,
JEDAN SAVEZ MLADIH
LJUDI

KOJI PROSIPAJU ZNOJ ZA
TEBE.

NAŠE SU ŠAKE JEDNO
SUNCE
I ZAŠTO ĆE POSLIJE RECI
DA SMO ĆUDNI

ZATO ŠTO, SVE ŠTO SMO
ZAVOLJELI,


MORAMO NAPUSTITI,
OSTAVITI ONIMA IZA
SEBE DA VOLE,
KAO ŠTO SU OSTAVILI DA
VOLIMO,

ONI PRIJE NAS,
PLAKAĆEMO,
A KAKO DA NE PLAĆEMO,
KAD ĆE BITI TUŽNE

KOZARAČKE ŠUME ZA
NAMA
BIĆE PUSTO NAŠE

NASELJE, TRASA.
PLAKAĆEMO,
NE STIDEĆI SE SUZA

ONDA ĆEMO BITI JEDNAKI
DO BESKONAČNOSTI
JER... JER ĆE TADA BITI
KRAJ.





Veliko interesovanje za vozački kurs u Doboju

(Snimio: R. GRUBANOVIĆ)

DESILO SE U DOBOJU

ANSAMBL

DOBOJ, APRILA — Članovi i članice Kulturno-umjetničkog društva Regionalnog sekretarijata unutrašnjih poslova iz Banjaluke bili su gosti brigadir i brigadirke naselja u Doboju. Oko 80 članova ansambla u plavim uniformama predstavili su se revolucionarnim pjesmama i recitacijama o drugu Titu i spletom narodnih igara i pjesama. U jednočasovnom programu članovi ovog KUD izveli su i prvi dio pozorišnog komada »Mi ne znamo zakon«.

OBRAZOVANJE

U svim brigadama naselja u Doboju ovih dana počela je realizacija programa ideološko-političkog i marksističkog obrazovanja. Predavači i organizatori su brigadiri i brigadirke koji su se ranije pripremili za određene tematske cjeline. Na primjer, u ORB »Alija Alijagić« predavanje o klasnoj suštini samoupravne demokratije održao je brigadir Slavko Andrić, a u ORB »Prva proleterska« o korijenima nesvrstane politike brigadirima je govorio Kamenko Popović, komandant ove brigade. Predavanje iz programa ideološko-političkog obrazovanja u brigadi »Alija Hodžić« održao i Šemso Berbić. On je svojim drugovima govorio o teokratizmu.

ŠAH

U naselju u Doboju ovih dana počela su i sportska takmičenja u brigadama kako bi bile izabrane ekipe za susrete između brigada. Takmičenja su u toku, a pet brigada već je formirala svoje ekipe za šah i stoni tenis.

Ekipu ORB »Mladost« iz Zavidovića za takmičenje u šahu predstavljaju: Rade Lazić, Mirsad Husić, Rifet Begić, Ešref Starčević i Dušan Nedeljković, a u ekipi za stoni tenis su: Muhid Kapetanović, Vladimir Vidović i Mehmed Jusufović.

U šahu će se za ekipu ORB »Bratstvo jedinstvo« iz Zenice takmičiti: Edhem Ćirić, Ilija Šafradin, Dragan Herceg, Fadil Hasagić i Nikola Kapetan, a u stonom tenisu — Dušan Jašar, Elvedin Kurić i Jasmin Liskovica.

U ORB »Đorđe Zličić Gliga« najbolji šahisti su Boroljub Vuković, Ilija Prljević, Stevan Manukov, Mile Devčić i Milan Vučinić, a najbolji stonoteniseri — Nikola Gačanin, Miroslav Samaržić i Vladimir Šubić. Oni će braniti boje svoje brigade na međubrigadnom takmičenju.

Evo i imena članova ekipa za šah omladinskih radnih brigada »Dvanaesta slavonska proleterska brigada« i »Slava Klavora«. U prvoj su Mićo Vulić, Ivan Kraus, Andrija Stošić, Miroslav Perčić i Ivan Grgić, a u drugoj — Milan Topolovec, Zdenko Čobec, Bojan Polak, Milovan Lepir i Stanko Vrečko.

R. Z.

PREDSTAVLJAMO VAM BRIGADE

S veteranom na čelu

ORB »MILAN MRAVLJE« IZ LJUBLJANE BROJI 95 BRIGADISTA, A 25 SU ČLANOVI SK

ORB »Milan Mravljec« Ljubljana, opština Šiška, formirana je 1975. godine. Do sada je učestvovala na tri omladinske radne akcije. U prvoj smjeni SORA »Šamac — Sarajevo« u brigadi se nalazi 95 brigadista, od čega su 25 članovi SK. Među brigadistima je i jedan brigadir-veteran, koji je učestvovala na izgradnji prvog kolosijeka pruge »Šamac — Sarajevo« 1947. godine.

U ovoj brigadi su: Radoslav Anđelković, Matjaž Babnik, Stipo Barišić, Idriz Barlov, Mile Bionda,

Hasib Bejtlić, Seka Blažević, Ivan Bogunović, Franči Boltežar, Slavka Brešan, Marija Cekuta, Ramo Cufrović, Rajko Ćerković, Anda Čonda, Milorad Čubrilo, Esad Delanović, Dragan Đukić, Franc Dronfenik, Ramiz Druško, Brančo Dubovski, Valentin Duljak, Zekerija Durmišević, Darko Ficko, Anton Filipović, Veslo Filipović, Sead Halebić, Idriz Hailović, Marjan Horvat, Ignac Hribar, Esad Hutinović, Marjan Hvale (veteran), Juso Islamović, Marjan Jandrić, Željka Jarebica, Jelka Jordan, Dušan

Jovanović, Franjo Jozić, Hasan Kahvić, Vinko Kavšek, Rasim Kerić, Jakob Knez, Marjana Knapč, Borut Kodrič, Dragutin Kodba, Marjan Kolar, Milan Konšak, Adem Krupić, Ahmed Krivdić, Josip Kulundžić, Esad Kurtalić, Boško Kvržić, Janko Lah, Stane Ložar, Miran Lipej, Zvonko Masten, Mitja Merjasec, Stane Menžar, Josip Matulić, Boško Milosavljević, Katica Mištrafović, Franc Mlakar, Đuzada Muratagić, Tufo Muhović, Tomislav Mulej, Zlatko Nikolić, Ismet Nuhanović, Boris Petraš,

Zoran Petojević, Radojka Prijon, Edvard Progar, Stanko Radić, Ljiljana Radović, Jasminka Ramić, Marija Rauh, Jože Rodošek, Milan Rončević, Henrik Ropotar, Matjaž Rupnik, Zvone Sedej, Hasib Sekavić, Jurij Slapar, Ljubiša Slavković, Antun Slišurić, Vlado Smiljanić, Jevrosim Stanković, Dragica Šeruga, Franci Šimic, Simona Škander, Drago Tekavec, Ivica Tomljenović, Bernarda Trampuš, Peter Tratnjek, Miroslav Vičić, Srećko Vidović, Branko Vranješ, Jože Voselj, Marija Zver, Majda Žolger.

ANKETA

Ja, delegat

— ČINI NAM POSEBNU ČAST ŠTO SMO IZABRANI ZA DELEGATE SKUPŠTINE SMJENE

Šta o samoupravljanju i funkcionisanju delegatskog sistema u brigadama i naseljima SORA »Šamac — Sarajevo 78« misle brigadiri — delegati Skupštine smjene akcije: Ibrahim Ćaferić, ORB »Pet narodnih heroja« iz Doboja, naselje Nemila:

— Svoju delegatsku dužnost počeo sam veoma ozbiljno i trudiću se da aktivno učestvujem u radu Skupštine akcije, u smislu ostvarivanja stalne veze između moje delegatske baze — naselje Nemila i Skupštine smjene akcije. Mogu reći da se principi delegatskog sistema u cjelosti poštuju u brigadirskom životu, počevši od brigade Konferencije preko Skupštine naselja pa do Skupštine smjene akcije. Naravno sve je to prožeto specifičnostima života života i čiježnjom da su i delegati i delegatska baza mladi ljudi.

Majda Trtnik ORB »Buro Bačković« iz Ljubljane Omladinsko naselje Zavidovići:

— Čini mi posebnu čast što su drugovi upravo mene izabrali za delegata Skupštine smjene akcije. Moram reći da nemam mnogo iskustva, ali »ako mi gradimo prugu, gradi i ona nas«. Uvjeren sam da hu sa radne akcije poći obogaćena ne samo novim poznavanjima, radnim uspjesima i iskustvima o radu delegatskih tijela korisnim za mene lično kao delegata. Vjerujem da je na moju izbor delegata Skupštine smjene akcije uticalo i to što sam vrijedna brigadirka, član Saveza komunisti, a i u brigadi vršim odgovornu dužnost predsjednika komisije za smještaj i ishranu.

Goran Mostarac ORB »Borbe Zličić — Cigra« Novi Sad, naselje Doboju:

— Prvi put sam na radnoj akciji i zaista sam ponosan što su me drugovi izabrali za delegata. Očekujem da na akciji steknem ne samo znanje i iskustvo o radu na trasi nego i nova saznanja o primjeni delegatskog sistema. Kompletno život u brigadi i naselju odvija se na principu demokratikog odlučivanja, poštivanja i uvažavanja prijedloga svih brigadira, sa ciljem da usaglasimo mišljenja i propažemo najbolje mogućnosti za ostvarivanje prihvaćene obaveze — da izgradimo prugu.

Milijana Nikacević ORB »Živan Maričić« iz Kraljeve, naselje Žepče:

— U naselju i u brigadama samoupravljanje veoma dobro funkcionise. To se ogleda u radu i aktivnosti svih komisija. U našoj brigadi redovno se održavaju brigadne konferencije na kojima diskutujemo o proteklom radnom danu, rezultatima postignutim na trasi kao i narednim zadacima. Problemi se rješavaju u naselju uz učestvovanje delegata svih brigada.

A. H.

IZ NEMILE

Pohitao komandantu

NEMILA, APRILA — Poštenje je ono najvrednije što krasí jednog brigadira. U naselju Nemila naišli smo na jedan primjer. Brigadir Čedo Dujaković, iz ORB »Pet narodnih heroja« — Doboju, pronašao je petsto dinara. Na putu prema kuhinji ležala je novčanica. Nije bilo nikakvog dokumenta na osnovu kojeg bi se moglo zaključiti čija je. Mladi pružni radnik, omladinac sela Ritešića, pohitao je komandantu svoje brigade i predao mu novac.

— Šta tu ima čudnog? Novac sam našao, nije moj, pa da je i milion. Moje je da ga predam — kaže Čedo.

Jednostavno rečeno. I pošteno.

Ukratko iz
Zavidovića

Emisija o velikom umjetniku

Bišćani su posebnu emisiju u programu radio-stanice naselja u Zavidovićima, posvetili velikom slikaru-umjetniku Jovanu Bjeliću. Brigadiri su, tako, na vrlo pristupačan način upoznati sa ličnošću i djelom doajena našeg slikarstva. Emisiju je uredio Derviš Hodžić, referent za kulturno-zabavni život ORB »Prvi kongres USAOJ-a«.

LJUTI NA ČLAN 17.

Disciplina i red u naselju su uzorni. Sve je još od prvog dana utvrđeno kućnim redom kojeg su brigadiri usvojili. Ipak, jedna stavka izazvala je podosta razgovora. Riječ je o članu 17. koji kaže da se zabranjuje pjesma u trpezariji. Nekome je to teško palo. Ne mogu bez pjesme, pa ni za vrijeme objeda. Posebno su ljuti Beogradani koji u šali vele: »Na trasi obaramo drveće visoko i po 20 metara, čupamo ga iz korijena, a član 17 ni oboriti, ni iščupati ne možemo«.

ZAJEDNIČKA PJESMA

U trpezariji naselja nastupili su hor i harmonikaški orkestar OŠ »Franjo Režić« i Doma mladih iz Tuzle. Brigadiri su bili oduševljeni onim što su im mladi izvođači pripremili, a trpezarija se često prolamala i od zajedničke pjesme. Mladi književnici i pjesnici Književnog kluba iz Tuzle čitanjem svojih djela također su dali doprinos ovoj uspjeljoj brigadirskoj večeri. Prilikom da pokažu šta znaju nisu propustili ni brigadiri ORB »Husinski rudar«, koji su bili domaćini mladim izvođačima.

M. Dž.

Mali oglasi

... Izgubio sam volju za rad, pa molim poštenog nalazača da mi je ne vraća.
(Šifra: Zabušant).

... Izgubio sam kliker — poštenu nalazača dobiće dva klikera.
(Šifra: Propali klikeraš).

... Mijenjam pisaču mašinu za seks-mašinu.
(Šifra: Usamljeni mašinac).

... Mijenjam dva sunča na poslijepodneva za jedno kišovito prijepodne.
(Šifra: Kiša pada — nema rada).

(Iz biltena ORB »Boro i Ramiz« naselje Zavidovići)



Brigadiri vozom odlaze na trasu, a ispraća ih i želi nove rekorde na desetine Zavidovičana

U ŽEPČU RAD I RADOST

Djevojčica sa ibrikom

Omladini na radilište dolaze mještani s ponudama
♦ Smjenjuju se ekipe s programima

ŽEPČE, 10. APRILA — Bilo je prohladno tmurno predvečerje. Brigadiri »Sedme omladinske« na trasi kod Begovog Hana odmarali su se i marendali. Na momente propadavala je sitna kiša. Natopljeno znojem i kišom brigadirsko odijelo pripija se uz tijela. Hladno je. Ipak, šala ne jenjava. Brigadiri glasno razmišljaju.

- Eh, da je sada vrućeg mlijeka!
- A ja bih veliku šolju čaja.
- Šta mislite o vrućoj pogači.
- Hej, momci, pazite ovamo! — uzviknu Momčilo.

Svi se okrenuše u naznačenom pravcu. Lagano koračajući, brigadirima se približavala sitna prilika djevojčice iz obližnjeg naselja. Nosila je tablu na kojoj su zveckale šoljice. Iz ibrika pušila se vrela kafa.

— Evo, poslala majka kafu. Zaslužili ste je, rekla je jednostavno i spustila tablu na zemlju među brigadire i ne dižući pogled, sigurnom rukom počela sipati topli napitak.

ZAUSTAVIO KOMANDANTA

Brigadir Miroslav Žigić iz ORB »Ljublijski rudar« iz Prijedora isticao se među svojim drugovima po vrijednosti sa kojom je obavljao dežurstvo i požarstvo. Koliko je ozbiljno shvatio svoje obaveze, najbolje pokazuje sljedeći primjer:

Dežurajući na ulazu u naselje, zaustavio je i komandanta dežurne brigade, detaljno ga ispitao o tome šta radi na kapiji, zbog čega je došao i na kraju zatražio da mu ovaj pokaže i svoju dozvolu za kretanje po naselju.

PLES U NOĆI

Na otvorenoj pozornici u naselju Žepče brigadiri ORB »Stari grad« iz Sarajeva, sinoć su priredili veoma uspješno brigadirsko veče. Pored brigadira nastupili su članovi KUD »Miljenko Cvitković« iz Sarajeva, pjesnik Goran Simić i VIS »Crveni šal«. Poslije priredbe za sve brigadire priređen je ples.

BEHAR I POEZIJA

Jedna mlada vočka juče je probeharala sitnim cvjetovima. Brigadiri su napravili sto i stavili ga ispod vočke. Za tim stolom juče se okupilo desetak mladih brigadira poeta. I dok se noć lagano spuštala na naselje, Miodrag Drljić, Stojanka Šipovac, Duran Fatić, Selim Mirković, Marija Cekuta, Tomo Mulaj, Pero Šitum, Mehmed Huskić i Fahrudin Salkić, govorili su svoje stihove posvećene ljubavi, mladosti, jednoj pruži i jednom proljeću kao što je ovo, koje oni upravo preživljavaju.

Ovaj susret pjesnika — organizovali su brigadiri ORB »Ozrenski partizanski odred« iz Lukavca.

A. NUHEFENDIĆ

RAPORT NAŠEG DOPISNIKA

Sunce obradovalo brigadire

♦ Nakon nedjeljnog odmora koji im je dao novu snagu mladi ponovo na trasi — s pjesmom i željom da se uradi što više

ZAVIDOVIĆI, 10. APRILA — Radilo se udarnički. Sve brigade, njih osam iz Omladinskog naselja Zavidovići, krenule su jutros brigadirskim vozom na trasu. Za mlade koji su došli iz Francuske bio je to i prvi susret sa radilištem. Razmahale se ruke brigadista. Nedjeljni odmor dao im je novu snagu, pa se radilo kao ni jednog dana do sada. S nestrpljenjem se očekuju rezultati, jer gotovo je sigurno da su stari rekordi pali.

— Dan je idealan za rad. Pomolilo se sunce, ali je dovoljno svježe da rashladi ugrijane mišice. Duž čitave naše dionice — od Zavidovića pa do »Natronke« u Maglaju radi se punom parom. Ovdje su Fočaci, brigadiri i brigadirke iz ORB »Serif Lojo«. Neumorni su — reče nam u prolazu pomoćnik komandanta naselja za radilište Milorad Vidović.

Prolazimo kroz željezničku stanicu Dolina gdje je kao i obično u toku istovar pružnih pragova.

Dva-tri kilometra niže je ORB »Boro i Ramiz«. Zamijenili su uloge sa brigadirima iz Bihaća. Danas su se oni bacili na vađenje panjeva, a ORB »Prvi kongres USAOJ-a« radi na iskopavanju kanala.

Beogradska brigada »20. oktobar« krči trasu. Tu je i Žarko Todorović. Na nozi ima gips. Povrijedio se još prije neki dan, ali ne želi da ostane u naselju.

— Imali smo problema s njim. Dugo smo ga ubjeđivali da mora ležati koji dan. Povreda nije ta-

ko opasna, ali pre bi se zalečila. Ništa nije vredelo — kaže nam komandant ORB »20. oktobra« Aco Radojčić.

A Žarko, zajedno sa ostalim, sa sjekirom u ruci cupka na jednoj nozi. Zamahe, drvo samo što nije palo...

— Ovdje su mi sada potrebne ruke. Noga me ne boli. Kakva korist od ležanja. Rekao sam ili kući, ili na trasu!

I, tako, od radilišta do radilišta. Svuda — ista slika. Brigadiri vrijedni kao krtice. Svi imaju istu želju — biti najbolji, naj-

vredniji — dati sve od sebe samo da pruga što prije prođe. »Vlahović« zagledaju prve žuljeve. Kod ostalih pucaju oni stari, ruke postaju čvršće, jače i hitrije.

Vraćamo se u naselje. Mirno je i pusto. Ipak i ovdje se radi. Svaka brigada ostavila je po pet svojih brigadira koji čiste i sređuju paviļjone, dvorište, okolinu...

Treba navratiti u Zavidoviće — vidjeti brigade na radilištu, uživati u njihovom naselju koje sada liči na veliki vrt.

M. DŽEMIDŽIĆ

VETERANI GOVORE

Dok budem imao snage

Hamdija Dedić: Doći ću u još jednu smjenu, prugu valja izgraditi prije roka

Бригадирка Нада Чанчар примљена у Савез комуниста

С црвеном књижицом

Најсретнији дан и честитке бригадирске

ЖЕПЧЕ, АПРИЛА — Бригадирка Нада Чанчар из ОРБ »Вељко Влаховић« РМК Зеница била је у петак једна од најсрећнијих особа у насељу Жепче. Командант бригаде дозволио јој је да један дан одсуствује из бригаде. Разлог за то био је велик. У телеграму који је стигао из Зенице другови из Основне организације СК обавијестили су бригадирку Наду да ће тог дана бити примљена у СК.

— Годину дана сам чекала да ме приме у СК. Када сам добила телеграм, била сам узбуђена. Кренула сам у бригадирској униформи. Цијело вријеме путовања до Зенице размишљала сам о томе како ће изгледати тај чин пријема. Имала сам трему. Међутим, оно што сам доживјела, премашило је сва моја размишљања. Другови су ми дуго аплаудирали. Ја сам то протумачила не само као признање лично мени већ и свим мојим друговима који сада носе бригадирску униформу или ће у њој радити на акцији следећих седам мјесеци — видно узбуђена прича о »великом дану« у свом животу бригадирка Нада.

Наравно по повратку у насеље нису остале ни честитке њених другова бригадира а уз то било је и пјесме бригадирске.

A. H.

— За мене је акција универзитет братства i јединства — на почетку разговора каже наш саво vornik Hamdija Dedić, познатији као доктор Palfi. U Omladinsko naselje Žepče stigao je u sastavu ORB »Hasan Zafirović — Laca« iz Mostara. Ovaj brigadir-veteran, na prvu radnu akciju došao je odmah po završetku rata. U NOB stupio je sa 15 godina. Kao osamnestogodišnjak učestvovao je na izgradnji pruge Brčko — Banovići, zatim Šamac — Sarajevo, dionica kod Lašve...

— Kada sam došao na akciju Šamac — Sarajevo 1947. g. bio sam nepismen. Poslije rada na trasi pohađao sam kurs. Predavale su nam mlade studentice iz grada. Tu sam završio osnovnu školu, kasnije i gimnaziju, a danas radim kao zubni protetičar — kazuje svoju životnu priču doktor Palfi i ne skriva zadovoljstvo. Od nepismenog dje



Hamdija Dedić, vječiti omladinac

čarca kroz rat i akcije izrastao je u čovjeka koga ljudi vole, sugrađani cijene i poštuju.

— U tim prvim akcijama bilo je mnogo ratne omladine. Svi smo bili puni elana i volje za rad. Nije bilo mehanizacije kao danas. Stijene smo bušili dljetom i čekićem — prisjeća se stari brigadir.

Ovaj krepki pedesetogodišnjak gradio je još i Auto-put »Bratstvo i jedinstvo«, organizovao i učestvovao na više lokalnih radnih akcija, okupljao omladinu, podsticao je na rad. Prošle godine na Sutjesci postao je trostruki udarnik. I još nije posustao.

— Radiću sve dok budem imao snage. To je jedan od načina da se odužim društvu i Partiji za sve ono što sam postigao u životu. Ja sam mnogo toga »preturio preko glave«, ali danas živim dobro, moja djeca školuju se redovno i bez problema. Šta čovjeku više treba da bi bio srećan — umjesto zaključka naš sagovornik, postavljajući pitanje na koje mu je život već dao odgovor.

U Omladinskom naselju u Žepču doktora Palfija svi dobro znaju. Om

ljen je u cijelom naselju. Uvijek je okružen mladima. Spreman na šalu i dobro raspoložen, lako sa njima pronade zajednički jezik.

— Doći ću bar u još jednu smjenu ove radne akcije. Tamo, negdje u avgustu. Sada sam došao koristeći svoj godišnji odmor i slobodne dane, a u avgustu, ako nikako drugačije ne bude moglo — uzeću neplaćeni odmor. Šta ćete, prugu valja izgraditi »još ovoga ljeta«, raspoloženo završava svoju priču doktor Palfi.

A. NUHEFENDIĆ

FLORIJA ŠEHU IZ PRIŠTINE PRIČA REPORTERU

Monter nježna srca

Svi koje susrećemo i koji nas obilaze tako su neposredni i srdačni ljudi

— Na trasi smo jeli i pili, neki dan čovjek iz »Krivaje« došao da nam pomogne u poslu. Kolegu u bolnici obilaze Zavidovičani. Čuli da je brigadir u bolnici, pa da ga posjete. Imena ne znam, ali nije ni važno. Svi koje susrećemo i koji nas obilaze tako su neposredni i srdačni, priča nam

brigadirka Florija Šehu iz Prištine.

Iza nje su tri savezne radne akcije »Sava 75«, »Sava 76« i »Ibar—Lepenc 77«. Sa sve tri vraćala se sa udarničkom!

Florija Šehu je kvalifikovani monter u Tvornici amortizera Priština. Iako joj je tek 21, na tom radnom mjestu već je pet godina. U međuvremenu završila je daktilografsku školu, ali...

— Volim svoj posao i ne bih ga menjala za bilo koji drugi. Neki mi kažu teško je to za tebe, a ja uživam dok radim.

Naizgled krhka, crnputa djevojka na trasu ravnopravno se nosi sa mladima. U šali njeni drugovi iz ORB »Boro i Ramiz« kažu da ne mogu napuniti kolica koliko Florija može prevesti.

Član je Saveza komunističke omladine od 1975. godine, u Opštinskoj konferenciji SSO Prištine delegat je i član je Predsjedništva Pokrajinske konferencije SSO Kosovo, član Političkog aktivna u opštini, u delegaciji je društveno-političkog vijeća opštine, u Mjesnoj zajednici aktivista za primjer...

ne, u Mjesnoj zajednici aktivista za primjer...

Mnogo obaveza za mladu dog čovjeka:

— Sve se to može stići uz dobar raspored vremena. Mislim da se mladi još više moraju uključivati u rad svih foruma. Upravo su radne akcije te koje na najneposredniji način ideološki i politički osposobljavaju omladinu. Ja sam prvi put bila na akciji 1975. godine, predložena sam za Savez komunista, a na akciji 1977. godine bila sam zamenik predsjednika Aktiva SK u naselju. Mnogo sam naučila na radnim akcijama i uvek ću se osećati dužnom da to znanje primenjujem u svakodnevnom životu. Za dovoljstvo je doći na omladinska radilišta, posebno u današnje vreme. Pogledajte kako izgleda ovo naše naselje. Imamo sve, a i veliku želju da prugu završimo pre određenog roka.

M. DŽEMIDŽIĆ

Zašto

— Zašto je povećer je tako rano, pa se sprečava omladina da stiče značajna »životna iskustva«.

Cero je večeras opet požarni: molj sve brigadire da mu objasne »čije je to maslo«.

Ceri ćemo oduzeti vozačku dozvolu — juče mu je japaner otišao u provaliju.

IZ BILTENA U ŽEPČU

Šiblje

Naša brigadirka Ljiljana Miletić tojko je zaokupljena sjećanjem šiblja, da je to (poslije trase) nastavila da čini i na časovima obuke za vozače.

Čim su čuli za kurs foto-amatera, mnogi brigadiri zainteresovali su se da li postoji kurs i za foto-modele. Ovo iz razloga da bi što uvjerljivije pozirali na trasi.

Brigadirski horoskop

Rođeni u znaku brigadira. Posao: Meteorolozi poručuju da će kiše biti još samo 22 dana.

LJUBAV: Držite se obećanja ženskog dijela brigade da će sve od sebe početi davati u drugoj dekadi.

ZDRAVLJE: Recept za žuljeve na laktovima možete dobiti u Petoj četk.



Pismo

Prima Salem Mrav!

— Zdravo Sala. Pošto smo dobili od tebe razglednicu, evo uzeli smo da ti odgovorimo da smo dobro i zdravo. Pozdravljamo te svi, i baba ti kaže da ne bi nešto preteško dizao... Piši nam šta radite, kakva vam je hrana. Uglavnom, piši o svemu. Kako ti je Ramo? On ne piše nikome. I kod nas se radi koliko hoćeš. Jedi, nemoj da se stidiš. Piši hoćeš li što polagati. Puno pozdrava od svijuz iz kuće i od ostalih. Pozdravi Ramu i pišite.
